



АКАФИСТ

пресвятой Богородице
в честь иконы Ее
«Казанская»



Тропарь, глас 4

Заступнице усърдная,/ Мати Господа
Вышняго,/ за всех молиши Сына Твоего, Христа
Бога нашего,/ и всем твориши спастися,/ в
державный Твой покров прибегающим./ Всех
нас заступи, о Госпоже, Царице и Владычице,/
иже в напастех и в скорбех, и в болезнях обремененных
грехи многими,/ предстоящих и молящихся Тебе
умиленною душею/ и сокрушенным сердцем,/ пред
пречистым Твоим образом со слезами,/ и
невозвратно надежду имеющих на Тя,/ избавления
всех зол,/ всем полезная даруй,/ и вся спаси,
Богородице Дево:// Ты бо еси Божественный покров рабам Твоим.

Кондак, глас 8

Притецем, людие, к тихому сему и доброму
пристанищу,/ скорой Помощнице, готовому и
теплому спасению, покрову Девы,/ ускорим на
молитву и потщимся на покаяние:/ источает
бо нам неоскудная милости Пречистая Богородица,
предваряет на помощь и избавляет от великих бед
и зол// благонравныя и богобоящиеся рабы Своя.



Акафист пресвятой Богородице в честь иконы Ее «Казанская»

Кондак 1

Избрáнной от всѣх родов Засту́пнице рѣда христиáнского, покрѣвом Своея б́лагости покрывáющей страну́ нашу правослáвную, благодарственная пѣния принѣсим Тѣ́, Богорѣдице, о явлѣнии ч́удныя Твоея и́коны. Ты́ же, я́ко Всемѣлостивая, всѣх притека́ющих к Тебѣ Помѣщнице, заступáй нас во всѣх скѣрбех и н́уждах, бедáх и напáстех, да зовѣм Тѣ́:

Рáдуйся, Засту́пнице усѣрдная рѣда христиáнского.



Икос 1

А́нгел предста́тель по́слан бы́сть
рещи́ Богоро́дице «Ра́дуйся», егда́
Бо́г Сло́во воплоща́шеся во утробе Ея́;
и мы́, грешнии, прославля́юще явлéние
чúдныя Ея́ ико́ны и Божéственнаго
Младéнца Спа́са Христа́, со умилéнием
вопи́ем Благода́тней:

Ра́дуйся, Богоизбра́нная Отрокови́це;
ра́дуйся, Ма́ти Бо́жия.

Ра́дуйся, Цари́це Небесé и земл́и;
ра́дуйся, свéтлое Цéркве Небéсныя
и земн́яя украше́ние.

Ра́дуйся, А́нгелы чт́мая; ра́дуйся,
пева́емая от Сераф́им.

Ра́дуйся, свéтлое проро́ческое сбы́тие;
ра́дуйся, апо́столов похвало́.

Ра́дуйся, мучени́ческое испове́дание;
ра́дуйся, преподо́бных вéнче.

Ра́дуйся, пра́ведных весе́лие;



ра́дуйся, грѣшных упováние.

Ра́дуйся, Засту́пнице усѣрдная рóда христия́нскаго.

Кондак 2

Ви́дящи, Всенепорóчная, с высоты́ Небѣснаго жили́ща Своего́, иде́же с Сы́ном Твои́м в сла́ве пребыва́еши, ско́рбь рабо́в Твои́х в новопросвещѣнном гра́де, я́ко гнѣвнаго ра́ди Бóжия посе́щения ве́ра Христо́ва поруга́ема быва́ет агарянским злове́рием, благоволи́ла еси́ яви́ти ико́ну Свою́, чудесы́ ю́ прославля́ющи, да утвержда́емии зна́меньями Твоея́ благода́ти, христороуби́вии лю́дие ве́рно вопио́ут Бóгу: Аллилу́иа.

Икос 2

Разуме́ние трикратнаго явлѣния Богома́тере му́драя отрокови́ца и́щущи, течѣ ко власте́м, пове́дающи им дивное



явлéние и грóзное прещéние: мЫ же дивя́щеся свЫше дáнному отрокови́це вразумлéнию, благоговéйно вопи́ем к Преплагословéнной:

Рáдуйся, устнáми чЫстыми хвалу́ Бóгови совершáющая; рáдуйся, тáйны благодáти Бóжия вёрным открывáющая.

Рáдуйся, невёрных сумнítельное слЫшание; рáдуйся, вёрных извéстная похвалó.

Рáдуйся, мóлние, невёрных устрашáющая; рáдуйся, слáвою чудес Твои́х вёрных рáзум озаря́ющая.

Рáдуйся, агáрянскаго зловéрия обличéние; рáдуйся, горды́ни их низложéние.

Рáдуйся, вéры христиáнския утверждéние; рáдуйся, почитáния святЫ́х икóн освящéние.



Ра́дуйся, ско́рбь на́шу в ра́дость претворя́ющая; ра́дуйся, несумне́нною надéждою на́с увеселя́ющая.

Ра́дуйся, Засту́пнице усёрдная ро́да христиа́нского.

Кондак 3

Си́ла Вѣ́шняго благода́тию Богома́тере умудри́ и укрепí отрокови́цу к иска́нию многоце́ннаго Бо́жия да́ра, и та́, с ве́рою дерза́ющи о Го́споде, присту́пи к трудо́ и, скрѣ́тое в землѣ́ обрѣ́тши сокрови́ще святѣ́я ико́ны Богома́тери, ра́достно возопí к Бо́гу: Аллилу́иа.

Икос 3

Име́ющи благоутро́бное промышле́ние о новопросвещѣ́нных лю́дех гра́да Каза́ни, от пречестнѣ́я Твоя́ ико́ны то́ки чудес́ источи́ла еси́, Владѣ́чице, слепѣ́м



телесными очима зрение подаваючи,
омраченных же душевно светом бого-
познания и благочестия озаряючи, дев-
ствующим под осенением Твоея иконы
пристанище небурное дарующи. Сего
ради зовем Ти:

Радуйся, явлением иконы Твоея
тьму лютых обстояний отгоняющая;
радуйся, лучами чудес всех просве-
щающая.

Радуйся, слепых прозрение; радуйся,
омраченных смыслом просвещение.

Радуйся, славо Православия;
радуйся, тихое пристанище ищущих
спасения.

Радуйся, Мати целомудрия; радуйся,
покрове и ограждение девства.

Радуйся, Еюже ликовствует все мно-
жество верных; радуйся, Еяже ради
рыдает демонское полчище.



**Ра́дуйся, всѣх христи́ан вожде-
ле́нная Помо́щнице; ра́дуйся, всѣх
скорбя́щих Ра́досте.**

**Ра́дуйся, Засту́пнице усѣрдная ро́да
христи́анскаго.**

Кондак 4

**Бу́рю смяте́ний и крамо́лы врага́ми
воздв́игнутую в странѣ на́шей утоли́ти
тща́щся блаже́нный Ермаге́н, списа́тель
чудѣс Твоея́, Богома́ти, ико́ны, слѣзно
пред не́ю моля́шеся и, ви́дев, я́ко во́ин-
ству правосла́вному в щит и побѣ́дное
зна́мение Твоя́ ико́на дарова́ся, ве́рою
укрепля́емый до конца́ живота́ своего́,
вопя́ше Бо́гу: Аллилу́иа.**

Икос 4

**Слы́шавше правосла́внии во́ини
откровѣ́нную Преподо́бным Серге́ем
святите́лю Арсе́нию та́йну, я́ко пред-**



ста́тельством Богома́тере сѹд об Оте́чествѣ на́шем прело́жен на мѣлость, ико́ну Богома́терню, я́ко зна́мя побѣдное, при́ймше, исхитѣ́ша ма́терь градо́в ру́сских из ру́к супоста́т и возопѣ́ша Застѹпнице христи́ан:

Ра́дуйся, Ма́ти Бо́га Вѣ́шняго; ра́дуйся, я́ко за всѣ́х мо́лиши Сы́на Твоего́, Христа́ Бо́га на́шего.

Ра́дуйся, я́ко всѣ́м твори́ши спасти́ся в держа́вный Тво́й покрóв прибега́ющим; ра́дуйся, Застѹпнице всѣ́х сѹщих в ско́рбех и болѣ́знях.

Ра́дуйся, всѣ́м моля́щимся сокруше́нным се́рдцем пред пречи́стым Тво́им о́бразом полѣ́зная да́рующая; ра́дуйся, изба́вление зо́л всѣ́м, невозврати́то наде́жду имѹщим на Тя́.

Ра́дуйся, ти́хое и до́брое приста́нище; ра́дуйся, ско́рая Помо́щнице.



Ра́дуйся, гото́вый и те́плый покрóве спасéния; ра́дуйся, исто́чающая на́м неоску́дныя мѝлости.

Ра́дуйся, предвари́ющая на по́мощь; ра́дуйся, изба́вляющая от все́х бе́д.

Ра́дуйся, Засту́пнице усéрдная ро́да христиа́нского.

Кондак 5

Боготе́чная звезда́ яви́ся Твоя́, Богома́ти, ико́на, всю́ страну́ Росси́йскую обтека́ющая, луча́ми чуде́с Твои́х осиява́ющая все́х блужда́ющих по мо́рю стра́стного жития́, мра́к печа́лей и мглу́ вся́ких недúг и скорбе́й прогоня́ющая и наставля́ющая на пу́ть спасéния с ве́рою к Тебе́ притека́ющих и вопи́ющих к Бо́гу: Аллилу́иа.

Икос 5

Ви́дев ца́рь Пе́тр, я́ко от свята́я ико́ны Богома́терни благода́тию Бо́жиею



содева́ются мно́гия чудеса́, прие́млет ю́
в путево́дительницу во́инству своему́
и в де́нь бра́ни на све́ев в щит и покрóв,
и победíв до конца́ врага́ с по́мощию
Богома́тере, те́м ка́мень соверше́нный
во основа́ние но́ваго ца́рствующаго
гра́да положи́, ико́ну же Твою́ чу́дную,
я́ко освяще́ние, я́ко щит и огражде́ние,
в се́рдце гра́да поста́ви. Сего́ ра́ди
вопи́ем Пречи́стей:

Ра́дуйся, жили́ще и до́ме Христа́
Бо́га на́шего; ра́дуйся, Вме́стилище
неизрече́нная Его́ сла́вы.

Ра́дуйся, гра́де одушевле́нный,
присно ца́рствующий; ра́дуйся,
пала́то преукраше́нная.

Ра́дуйся, Ра́досте градо́в и ве́сей;
ра́дуйся, непобеди́мое христиа́н
в беда́х храни́лище и предгра́дие.

Ра́дуйся, Це́ркве Правосла́вныя



похвалó; рáдуйся, Рýсской землі утверждéние.

Рáдуйся, христолюбívаго вóинства Помóщнице; рáдуйся, врагóв одолéние.

Рáдуйся, от бéd избавлéние; рáдуйся, Мáтерними Тво́ими щедрóтами всéх посещáющая.

Рáдуйся, Застúпнице усéрдная рóда христиáнского.

Кондак 6

Предстоя́ще пред пречы́стым Тво́им о́бразом архиере́ев сослóвии и всí лю́дие, мона́си и мирстíи, проповéдуют, Госпожé Богородíteльнице, вели́кия Твоя́ мýлости, я́ко гра́ды огражда́еши, обíтели покрывáеши, вéси защища́еши, и, вéдуще Тя́ во́истинну Помóщницу сýльну и непобедíму, со слезáми принóсят Тí моли́твы, да простре́ши



к Сы́ну Твоему́ Богоно́сных ру́ки за лю́ди
Твоя́, во е́же изба́вити на́с от всѣхъ бѣдъ
и напа́стей, да благодарне вопи́емъ Бо́гу:
Аллилу́иа.

Икос 6

Возсия́вши просвеще́ние и́стинное
и отгна́вши дре́вле ле́сть ага́рянскую во
новопросвеще́нной странѣ Каза́нской,
ны́не во всѣхъ гра́дехъ росси́йскихъ све́тиши
све́том чуде́с и ми́лостей: притека́ющий
бо с ве́рою ко Твое́й ико́не цельбоно́сней
скорбе́й изба́вление, неду́гов исцеле́ние
и ра́дости вся́кия исполне́ния прие́млют,
вопию́ще Тебе́ усердно:

Ра́дуйся, неисто́щимый исто́чнице
святы́ни; ра́дуйся, многотеку́щая
реко́ Божество́нная благода́ти.

Ра́дуйся, грѣшныхъ с Бо́гом прими́-
ре́ние; ра́дуйся, грехо́в на́ших
очище́ние.



**Ра́дуйся, благоче́стия Наста́внице;
ра́дуйся, в до́брых де́лах утверж-
де́ние и по́моще.**

**Ра́дуйся, до́брыя обе́ты прие́м-
лющая; ра́дуйся, благи́м наме́ре-
нием спосо́бствующая.**

**Ра́дуйся, злы́я начинáния разру-
ша́ющая; ра́дуйся, вра́жия ко́зни
расторга́ющая.**

**Ра́дуйся, ско́рая челове́ком Помо́щ-
нице; ра́дуйся, ми́лость сугу́бо на́м
подаю́щая.**

**Ра́дуйся, Засту́пнице усер́дная ро́да
христиа́нского.**

Кондак 7

**Хотя́щу наро́ду правосла́вному испо-
ве́дати ми́лости Преблагослове́нныя
Цари́цы Не́ба и земли́ и по си́ле благо-
да́рственная прине́сти о изба́влении его́
от наше́ствия иноплеме́нных, дивному**



храму, созданному в честь пречудных икон, победная в дар принесё, да вси памятующе милость Богоматере, спасшия град сей и страну, вину воспевают Богу благодарными усты: Аллилуиа.

Икос 7

Стольному граду Россіи святая икона Твоя, Богомати, воистинну явися благая Одигитрия, якоже древле Цареграду: к Тебе бо прибегают людие, помощи Твоея на начало пути и дел своих просяще и благодарственная приносяще моления пред пречистою иконою Твоею за избавление от скорбей и напастей, Тебе Помощницу и Заступницу крепкую ведают. Темже благодарственно вопием Ти:

Радуйся, Россійския страны покрове; радуйся, Православия в ней ограждение и утверждение.



**Ра́дуйся, несокруши́мый щите
вои́нов на́ших; ра́дуйся, бронé их
неуязви́мая.**

**Ра́дуйся, ко́зни враго́в облича́ющая;
ра́дуйся, я́ко паучи́ну их растер-
за́ющая.**

**Ра́дуйся, нече́стия обличе́ние;
ра́дуйся, крамо́лы разруше́ние.**

**Ра́дуйся, ю́ных от заблужде́ний
исправле́ние; ра́дуйся, ста́рцев
утеше́ние.**

**Ра́дуйся, душевре́дных уче́ний
низложе́ние; ра́дуйся, душепо-
лезных зна́ний дарова́ние.**

**Ра́дуйся, Засту́пнице усер́дная ро́да
христиа́нского.**

Кондак 8

**Стра́нно и сумни́тельно неве́ру-
ющим слу́шати, ка́ко от ико́ны Твоея́**



токи благодати истекáют, воня живóтная благоухáет: мы́ же, вéрующе слóву, речéнному Тобóй, Влады́чице, к первоначисанней икóне: «С тобóй Моя́ благодáть и сýла», уповáем, я́ко и с сéю икóною благодáть Твоя́ вьну: тёмже благоговейно предстояще лобызáем ю́, поклоняёмся ёй, я́ко Тебé Самей сýщей, чéсть бо икóны на первообразное восхóдит, и Твоя́ благодáть сéю икóною зна́мения и чудесá содева́ет всём с вéрою притекáющим к Тебé и вопию́щим Бóгу: Аллилу́иа.

Икос 8

Вся́ бьвши горé, к Небéсным взята́, и земных не оставля́еши, Богомати, священным Твоём предста́тельством: имаши бо ма́тернее дерзнове́ние ко Христу́ Бóгу нашему́. Тёмже утверди́ в ми́ре глубо́це правосла́вных жити́е и вся́ полéзная всегда́ да́руй рабóм



Твоём, да величающе воспевáем Тí:

**Рáдуйся, Невместíмага вместíлище;
рáдуйся, осенénная сíлою Вьшняго.**

**Рáдуйся, прозябшая Клас Небéсный;
рáдуйся, мíр вёсь душепа́губнаго
гла́да избáвльшая.**

**Рáдуйся, вьну ходáтайствующая за
рoд наш; рáдуйся, я́ко мно́го мо́жет
моли́тва Твоя́ пред Сьно́м Твоём
и Бoгом.**

**Рáдуйся, всéх нас при Крестé Сьна
Твоегó усыновívшая; рáдуйся,
всегда́ Мáтернюю любóвь к нам
явля́ющая.**

**Рáдуйся, Ходáтаице вéчных блáг;
рáдуйся, и во врéменной жízни
полéзная нам пода́ющая.**

**Рáдуйся, извéстное прибéжище
наше во всéх скóрбных обстоя́нии;
рáдуйся, несомнénное утешéние
в печáлех.**



Ра́дуйся, Засту́пнице усёрдная рода христиа́нскаго.

Кондак 9

Всякаго естества́ а́нгельскаго превы́шшая яви́лася еси́, Пресвятáя Дéво: Бóга бо зачала́ еси́ плóтию, Невместима́го все́ми вместила́ еси́ во утробе Твое́й, на руках носила́ еси́ Носяща́го вéсь мiр длáнию: тёмже, я́ко Честнейшую Херувим и Сла́внейшую без сравне́ния Серафимъ велича́юще Тя, вопи́ем о Тебé Бóгу: Аллилу́иа.

Икос 9

Витiя́ многовещáнная, я́ко рýбы безгласны́я, ви́дим о Тебé, Богородице: недоуме́ет бо всякъ язýк благохвалити Тя́ по достоя́нию, изумевáет у́м пéти Тя, Богородице; обáче Благáя сýщи, приими́ и от нас архáнгельский глас, Тебé вопи́ющих:



**Ра́дуйся, Благода́тная; ра́дуйся, я́ко
Госпо́дь с Тобо́ю.**

**Ра́дуйся, Благослове́нная в жена́х;
ра́дуйся, обре́тшая благода́ть у Бо́га.**

**Ра́дуйся, роди́вшая Спаси́теля ми́ру;
ра́дуйся, Ма́ти Сы́на Бо́жия.**

**Ра́дуйся, Роди́тельнице Ве́чнаго
Царя́; ра́дуйся, израсти́вшая на́м
пло́д живота́.**

**Ра́дуйся, освяще́нная Ду́хом Святы́м;
ра́дуйся, осенённая си́лою Всеви́ш-
няго.**

**Ра́дуйся, ве́рная Рабо́ Госпо́дня;
ра́дуйся, я́ко Тя́ блажа́т вси́ ро́ди.**

**Ра́дуйся, Засту́пнице усер́дная ро́да
христиа́нскаго.**

Кондак 10

**Спасти́ хотя́щи мно́гия от находя́щих
зо́л, скорбе́й и болёзней, чу́дную ико́ну**



Твою, Богомати, даровала еси, еяже ради слепии прозирают, хромии ходят, разслабленнии встают, беснующиися исцеляются, земли плодоносие подаётся, людие от смертоносныя язвы избавляются, грады и домы от огня спасаются: темже прославляюще Бога, дающего нам таковыя милости, вопиём Ему усердно: Аллилуиа.

Икос 10

Стена еси, Богородице, стране Россійстей, градом ограждение и слава, православному воинству на враги укрепление. Темже, благодаряще Тя, вопиём:

Радуйся, прославляющих Тя прославляющая; радуйся, не чтущих Тя посрамляющая.

Радуйся, врагов устрашение; радуйся, от нашествия иноплемённых избавление.



**Ра́дуйся, воинов крѣпосте; ра́дуйся,
в дни брани забра́ло и огражде́ние.**

**Ра́дуйся, в дни ми́ра живонóсный
са́де, увеселя́ющий сердца́ вѣрных;
ра́дуйся, ору́жие, егóже трепѣщут
де́мони.**

**Ра́дуйся, спаси́тельный елѣй,
умаша́ющий грехóвныя ра́ны ка́ю-
щихся; ра́дуйся, тѣплое на́ше
упова́ние.**

**Ра́дуйся, несумне́нная на́ша
Наде́ждо; ра́дуйся, тѣхое и до́брое
приста́нище.**

**Ра́дуйся, Засту́пнице усѣрдная ро́да
христиа́нского.**

Кондак 11

**Пе́ние хвалѣбное и благодарственное
принóсят Тебе́, Влады́чице, припада́юще
ко ико́не Твоѣй и любѣзно лобыза́юще
ю́, дѣв ли́цы, под держа́вным покрóвом**



Твои́м ти́хое и ми́рное ино́ческое жити́е
провождáющи, и возложíвше на Тя́ все
упова́ние, ра́достно вопию́т Бо́гу: Алли-
лу́иа.

Икос 11

Я́ко светопрíемную свещу́, зрím
Твою́ че́стную ико́ну, Пресвята́я Влады́-
чице: та́ бо невеще́ственный о́гнь благо-
да́ти Твоя́ воспрíемши, и в подо́-
бих ея́ но́вы возжигáет светíльники,
прича́сны тоя́жде síлы благода́тныя,
и озаря́ет чудесы́, наставля́ющи на пу́ть
спасе́ния все́х вопию́щих Ти́ си́це:

Ра́дуйся, Невéсто Неневéстная;
ра́дуйся, Богоизбра́нная Отрокови́це,
Ма́ти Дéво.

Ра́дуйся, до́брая Настáвнице непо-
ро́чнаго дéвства; ра́дуйся, Храни́-
тельнице ревну́ющих о чистоте́.

Ра́дуйся, же́н похвало́; ра́дуйся, дéв
велича́ние.



**Ра́дуйся, вдо́в заступле́ние; ра́дуйся,
сиро́т призре́ние.**

**Ра́дуйся, ни́щих Пита́тельница;
ра́дуйся, наги́х одея́ние.**

**Ра́дуйся, печа́льных утеше́ние;
ра́дуйся, скорбя́щих весе́лие.**

**Ра́дуйся, Засту́пнице усер́дная ро́да
христиа́нского.**

Кондак 12

Благода́ть да́ти восхоте́вши почи́тающим Тя́ с любóвию, Богороди́тельнице, прису́щую Ти́ си́лу благода́тную оста́вила еси́ во святы́х Твои́х ико́нах, и́бо Божество́нная благода́ть, спребыва́ющи те́м (ико́нам), зна́мения и чудеса́ вѣину содева́ет и душе́вных и телесных недуг исцеление́ все́м с ве́рою прихо́дящим подаёт Твои́ми Богома́терними непреста́нными к Бо́гу моли́твами о вопи́ющих Ему́: Аллилу́иа.



Икос 12

Поюще Твоя́ чудеса́, б́ывшая
в др́евняя и настоя́щая времена́, хва́лим
Тя́, я́ко Живонóсный Исто́чник благо-
да́ти, я́ко неисто́щимую реку́ чудес,
я́ко б́здну м́лости и щедрóт, и все́
упова́ние по Бо́зе возлага́юще на Тя́
и в се́й и в б́дущей ж́знии, прослав-
ля́юще Тя́, вопи́ем:

Ра́дуйся, христиа́н непосты́дное
упова́ние; ра́дуйся, ве́рных спаси́-
тельное приб́ежище.

Ра́дуйся, ненаде́жных наде́яние;
ра́дуйся, отча́янных спасе́ние.

Ра́дуйся, ба́не, омыва́ющая со́весть;
ра́дуйся, росó, оживля́ющая ду́ши.

Ра́дуйся, бол́зней врачевствó скóрое
и безме́здное; ра́дуйся, от все́х б́д
бы́строе избавле́ние.

Ра́дуйся, Уте́шительнице во всяко́й



скóрби; ра́дуйся, из глубины́ погí-
бели спаса́ющая.

Ра́дуйся, отра́до в де́нь сме́рти;
ра́дуйся, еди́ная Наде́ждо и по
сме́рти.

Ра́дуйся, Засту́пнице усéрдная ро́да
христиа́нского.

Кондак 13

О Всепéтая Ма́ти, ро́ждшая все́х
святы́х Святéйшее Сло́во, приими́
ны́не ма́лое сиé моле́ние и, вели́чия
ра́ди бла́гости Твоея́ и бéздны щедрóт
Твои́х, не помяни́ мно́жества грехóв
на́ших, но испóлни во благи́х проше́ния
на́ша, подава́ющи те́лу здра́вие, ду́ши
спасе́ние, избавля́ющи от вся́кия ну́жды
и печáли, и Ца́рствия Небéснаго наслéд-
ники сотворя́ющи все́х, véрно вопию́щих
Бо́гу: Аллилу́иа.

*Этот Кондак читается трижды,
затем икос 1-й и Кондак 1-й.*



Икос 1

А́нгел предста́тель по́слан бы́сть
рещи́ Богоро́дице «Ра́дуйся», егда́
Бо́г Сло́во воплоща́шеся во утробе Ея́:
и мы́, грешнии, прославля́юще явлéние
чúдныя Ея́ ико́ны и Божéственнаго
Младéнца Спа́са Христа́, со умилéнием
вопи́ем Благода́тней:

Ра́дуйся, Богоизбра́нная Отрокови́це;
ра́дуйся, Ма́ти Бо́жия.

Ра́дуйся, Цари́це Небесé и земл́и;
ра́дуйся, свéтлое Цéркве Небéсныя
и земн́яя украше́ние.

Ра́дуйся, А́нгелы чтима́я; ра́дуйся,
пева́емая от Сераф́им.

Ра́дуйся, свéтлое проро́ческое
сбыти́е; ра́дуйся, апо́столов похвало́.

Ра́дуйся, мучени́ческое испове́дание;
ра́дуйся, преподо́бных вéнче.

Ра́дуйся, пра́ведных весе́лие;



ра́дуйся, грѣшных упованіе.

**Ра́дуйся, Засту́пнице усѣрдная рѣда
христі́анскаго.**

Кондак 1

**Избранной от всех родов Засту́пнице рѣда христі́анскаго, покрѣвом
Своея блага́ости покрыва́ющей страну́
нашу правосла́вную, благодарственная
пѣнія прино́сим Тѣ, Богоро́дице,
о явлѣнии чудныя Твоея ико́ны. Тѣ же,
яко Семѣ́лостивая, всех притека́ющих
к Тебѣ Помо́щнице, заступай нас во всех
скѣрбех и нѣждах, бедѣх и напѣстех, да
зовѣм Тѣ:**

**Ра́дуйся, Засту́пнице усѣрдная рѣда
христі́анскаго.**



Молитва

О Пресвятая Госпоже Владычице Богородице! Со страхом, верою и любовью припадающе пред честною иконою Твоею, молим Тя: не отврати лица Твоего от прибегающих к Тебе, умоли милосердая Мати, Сына Твоего и Бога нашего, Господа Иисуса Христа, да сохранит мирну страну нашу, Церковь Свою Святую да неизбылему соблюдет от неверия, ересей и раскола. Не имамы бо инья помощи, не имамы инья надежды, разве Тебе, Пречистая Дево: Ты еси Всесильная христиан Помощница и Заступница. Избави всех с верою Тебе молящихся от падений греховных, от навета злых человек, от всяких искушений, скорбей, бед и от напрасныя смерти: даруй нам дух сокрушения, смирение сердца, чистоту помышлений, исправление греховная жизни и остав-



лѣние прегрешѣний, да всѣ благодарне
воспевающе величія Твоя, сподобимся
Небѣснаго Царствія и тамо со всіми
святѣими прославим Пречестное и Вели-
колепое Імя Отца и Сына и Святаго
Духа. Амѣнь.

Величание

Величаем Тя, / Пресвятая Дѣво, /
Богоизбранная Отроковице, / и чтим
образ Твой святѣй, / ѣмже точиши исце-
ления // всем с верою притекающим.

Расписание чтения акафистов

ПН	2:00, 8:00, 14:00, 20:00	Михаилу Архангелу
	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
<hr/>		
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому
	3:00, 9:00, 15:00, 21:00	прп. Серафиму Саровскому
<hr/>		
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
<hr/>		
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
<hr/>		
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
<hr/>		
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	За единоумершего
	3:00, 9:00, 15:00, 21:00	Б. М. «Казанская» ←
<hr/>		
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё